



世界書局印行

景印
藻堂

四庫全書薈要

集部
第一〇七冊
總集類





本冊目次

書名及撰人	卷次	頁次
御定詠物詩選四百八十六卷總目二卷 清康熙四十五年聖祖仁皇帝御定	卷一百二十八至卷二百七十六	四五四—一

欽定四庫全書薈要

集部

御定詠物詩選卷一百二十八至三十四

欽定四庫全書薈要卷一萬八千七百五十

集部

御定佩文齋詠物詩選卷一百二十八

車類

四言古

車左銘

漢崔駰

虞夏作車取象機衡叶君子建左法天之陽正位授綏
車不內顧塵不出軌鸞以節步彼言不疾彼指不躬淵
覽于道永思厥中

欽定四庫全書

御定詠物詩選
卷一百二十八

車右銘

崔駰

擇御卜右採德用良詢納耆老于我是匡惟賢是師惟
道是式箴闕旅賁內顧自勅匪皇其度匪愆其則越戒
敦儉禮以華國

小車銘

漢李尤

員蓋象天方輿則地輪法陰陽動不相離合之嘽噓疏
達開通兩輜障邪尊卑是從輓軌之用信義所同

天駟車銘

李尤

詳校官原任主事臣李斯咏

奚氏本造後裔飾雍輪以代步駟以蔽容輪駟并合出入周通追仁赴義惟禮是恭

七言古 附長短句

車遙遙

唐張籍

征人遙遙出古城雙輪齊動駟馬鳴山川無處不歸路
念君長作萬里行野田人稀秋草綠日暮放馬車中宿
驚麕遊兔在我旁獨唱鄉歌對僮僕君家大宅鳳城隅
年年道上隨行車願為玉鑾繫華軾終日有聲在君側

欽定四庫全書

御定詠物詩選
卷一百二十八

門前舊宅久已拋無由復得君消息

十九日出曹門見水牛拽車

宋梅堯臣

只見吳牛事水田只見黃犂負車輓今牽大車同一羣
又與騾驢走長陌叩頭闊步塵蒙蒙不似綏耕泥汨汨
一一夜眠頭向南越鳥心腸誰辨白

車家行

宋孔武仲

上坂車聲遲下坂車聲快遲如鳥語相喧啾快如谿沙
瀉鳴瀨一車人十捧擁行江南江北不計程青天白日

有時住無人止得車輪聲晚來驟雨聲濯濯平曉郊原
盡溝壑方悟車家進退難不如田家四時樂

車遙遙

明李先芳

膏車何草草遙遙萬里道遠道莫致思倚輪望見之隻
輪不可行去客難為情駕車策馬輪已遠腸中車輪載
君返

登車行

明僧清楚

擎書使者來海涯躡曉迫趣登輪車高岡碾斷赤石骨
長空拂碎紅雲花大聲坎坎打天鼓小聲嗚嗚煎春茶
義生馭日信可並阿香撒雨何足誇直入九重紫金殿
玉皇對坐傾流霞霓裳羽衣萬變態龍笙鳳管相喧譁
從容握手問至道掀髯一笑吾還家

五言律

詠車

唐李嶠

天子馭金根蒲輪闢四門五神趨雪至雙轂似雷奔
鳳棲金轄非熊載寶軒無階忝虛左珠乘奉王言

欽定四庫全書

御定詠物詩選
卷一百二十八

七言律

和李秋谷平章小車詩

元虞集

雪晴宮草隱晴沙相國朝天試帝車班馬晝移溫室樹
鳴鑾晨度掖垣花褰帷每命賢俱載趣駕頻煩使至家
此日龍門誰執御擁經正履侍金華

七言絕句

小遊仙詩

唐曹唐

酒醺春濃瓊草齊真公欲散醉如泥朱輪軋軋入雲去

欽定四庫全書

御定詠物詩選

卷一百二十八

四

行到半天聞馬嘶

畫車

宋蘇軾

何人畫此隻輪車便是當年歌器圖上易下難須審細
左提右挈免疎虞

駝車行

元劉秉忠

駝頂丁當響巨鈴萬車軋軋一齊鳴當年不離沙陀地
碾斷金原鼓笛聲

予京居廿稔始作一車出入賦詩自志

淺淺輕車穩便休何須高蓋與華輶短轅不作王丞相
下澤聊為馬少游

元張翥

送翰林宋先生致仕歸金華

明

孫蕡

華髮朱顏六袞餘還鄉猶駕輶輪車龍江闕吏如相識
應止青牛乞著書

欽定四庫全書

御定詠物詩選

卷一百二十八

五

御定佩文齋詠物詩選卷一百二十八

欽定四庫全書薈要卷一萬八千七百五十一

集部

御定佩文齋詠物詩選卷一百二十九

簡閱類

五言古

從武帝琅邪城講武應詔

齊王融

治兵聞魯策訓旅見周篇教民良不棄任智理恒全
白日映丹羽頽霞文翠旃凌山炫組甲帶水被戈船
凝葭鬱摧愴清管乍聯綿早逢文化洽復屬武功宣
願陪王

欽定四庫全書

御定詠物詩選

卷一百二十九

鑒右一舉掃燕然

從齊武帝琅邪城講武應詔

梁沈約

九功播桃墀七德陳武懸展事昌國圖息兵由重戰
皇情咨閱典出車追辰選飾徒映寒隰翻綏臨廣甸
颯沓佩吳戈參差腰夏箭風旆舒復卷雲霞清以轉
輕舞信徘徊前歌且遙衍秋原嘶代馬朱光浮楚練
虹壑寫飛文巖阿藻餘絢發震嶽靈從揚旌水華變
憑高訓武則中天起遐眷鳳蓋捲洪河珠旗掃長汧
方待翠華舉遠適瑤池宴

九日登巴陵置酒望洞庭水軍

唐李白

九日天氣清登高無秋雲造化闢川嶽了然楚漢分
長風鼓橫波合沓感龍文憶昔傳遊豫樓船壯橫汾
今茲討鯨鯢旌旆何繽紛白羽落酒樽洞庭羅三軍
黃花不掇手戰鼓遙相聞劍舞轉頽陽當時日停曛
酣歌激壯士可以摧妖氛齷齪東籬下淵明不足羣

五言律

欽定四庫全書

御定詠物詩選

卷一百二十九

觀兵

唐杜甫

北庭送壯士獵虎數尤多精銳舊無敵邊隅今若何
妖氛擁白馬元帥待雕戈莫守鄴城下斬鯨遼海波

陪柏中丞觀宴將士

杜甫

極樂三軍士誰知百戰場無私齊綺饌久坐密金章
醉客霑鸚鵡佳人指鳳皇幾時來翠節特地引紅粧

其二

繡段裝檐額金花帖鼓腰一夫先舞劍百戲後歌樵
江

樹城孤遠雲臺使寂寥漢朝頻選將應拜霍嫖姚

七言律

癸卯二月十一日官軍發吳門

元陳基

去年移戍秋將半今歲渡江春正分晉國偏裨歸宿將
漢庭旗鼓屬元勳戈船十萬盡犀弩鐵騎三千皆虎賁
却笑高陽老狂客謾憑口舌下齊軍

二十二日狼山口觀兵

陳基

欽定四庫全書

御定詠物詩選
卷一百二十九

官軍野次狼山口鐵騎犀船盡虎軀杼軸萬家供餽餉

旌旗千里亘江湖膝行已伏諸侯將面縛行申兩觀誅

淮海父兄爭鼓舞將軍恐是漢金吾

汪伯子司馬閱武試

明王世貞

主恩司馬一登臺立表驂驪千騎來鎬似飛星爭犯月
鼓如催雨不停雷橫開銅柱南頭去坐奪金城右臂迴
此地若容狂李白也應偏識令公才

御定佩文齋詠物詩選卷一百二十九

欽定四庫全書薈要卷一萬八千七百五十二

集部

御定佩文齋詠物詩選卷一百三十

狩獵類

五言古

和諸葛覽從軍遊獵

陳張正見

治兵耀武節縱獵駭畿封迅騎馳千里高置起百重騰
磨斃馬足饑鼯落劍鋒雲根飛燒火鳥道絕禽蹤方羅
四海俊聊以習軍戎

欽定四庫全書

御定詠物詩選
卷一百三十

和張侍中看獵

北周王褒

上林冬狩返回中講射歸還登宣曲觀更獵黃山圍嚴
冬桑柘落寒霜馬騎肥縹盧隨兔起高鷹接雉飛獨嗟
來遠客辛苦倦邊衣

伏聞遊獵

北周庾信

虞旗喜旦晴獵馬向山橫石關魚貫上山梁鴈翅行雪平尋兔
跡林藁聽雉聲馬嘶山谷響弓寒桑柘鳴聞弦鳥自落望火
獸空驚無風樹即正不凍水還平誰知茂陵下願入睢陽城

冬狩行四韻連句應詔

庾信

三川羽檄馳六郡良家選觀兵細柳營校獵長楊苑驚雉逐鷹飛騰猿看箭轉鳴笳河曲還猶憶南皮返

出獵

唐太宗

楚王雲夢澤漢帝長楊宮豈若因農暇閱武出轅蒿三驅陳銳卒七萃列材雄寒野霜氣白平原燒火紅琱戈夏服箭羽騎綠沈弓怖獸潛幽壑驚禽散翠空長煙晦落景灌木振嚴風所爲除民瘼非是悅林叢

欽定四庫全書

御定詠物詩選
卷一百三十

二

校獵義成喜逢大雪率題九韻以示羣官

唐明皇

弧矢威天下旌旗遊近縣一面施烏羅三驅教人戰暮雲成積雪曉色開行殿皓然原隰同不覺林野變北風勇士馬東日華組練觸地銀麋出連山縞鹿見月免落高矐星狼下急箭既欣盈尺兆復憶磻谿便歲豐將遇賢俱荷皇天眷

奉和聖製校獵義成喜逢大雪應制

唐張說

文教資武功郊畋閱邦政不知仁育久徒看禽獸盛夜霰氛埃滅朝日山川淨綽仗飛走繁抨絃筋角勁帝射叅神道龍馳合人性五紆連一發百中皆先命勇爵均萬夫雄圖羅七聖星爲吉符老雪作豐年慶喜聽行獵詩威神入軍令

同羣公出獵海上

唐高適

畋獵自古昔況伊心賞俱偶與羣公遊曠然出平蕪層

欽定四庫全書

御定詠物詩選
卷一百三十

三

陰漲溟海殺氣窮幽都鷹隼何翩翩馳驟相傳呼豺狼竄榛莽麋鹿罹艱虞高鳥下駢弓困獸鬪匹夫塵驚大澤晦火燎深林枯失之有餘恨獲者無全軀咄彼工拙間恨非指蹤徒猶懷老氏訓感歎此歡娛

獵城南

金元好問

翩翩游俠兒白馬如匹練朝出城南獵暮趁軍中宴北平有真虎愛惜腰間箭

七言古

附長短句

行行且遊獵篇

唐李白

邊城兒生平不讀一字書但將遊獵誇輕趨塞馬秋肥
宜白草騎來躡影何矜驕金鞭拂雪揮鳴鞘半酣呼鷹
出遠郊弓彎滿月不虛發雙鷁迸落連飛鶻海邊觀者
皆辟易猛氣英風振沙磧儒生不及遊俠人白首下帷
復何益

扈從冬狩

元耶律楚材

天皇冬狩如行兵白旄一麾長圍成長圍不知幾千里

欽定四庫全書

御定詠物詩選
卷一百三十

四

蟄龍震慄山神驚長圍布置如圓陣方騎雲屯貫魚進
千羣野馬雜山羊赤熊白鹿奔青麋壯士彎弓殞奇獸
更驅虎豹逐貪狼獨有中書倦遊客放下氍毹誦周易

五言律

觀獵

唐王維

風勁角弓鳴將軍獵渭城草枯鷹眼疾雪盡馬蹄輕忽
過新豐市還歸細柳營迴看射雕處千里暮雲平

觀獵

唐李白

太守耀清威乘閒弄晚暉江沙橫獵騎山火遶行圍箭

逐雲鴻落鷹隨月兔飛不知白日暮歡賞夜方歸

觀獵騎

唐司空曙

纏臂繡綸巾貂裘窄稱身射禽風助箭走馬雪翻塵金
埒爭開道香車爲駐輪翩翩不知處傳是霍家親

觀徐州李司空獵

唐張祜

曉出郡城東分圍淺草中紅旗開向日白馬驟迎風背
手抽金鏃翻身控角弓萬人齊指處一鴈落寒空

欽定四庫全書

御定詠物詩選
卷一百三十

五

觀獵

張祜

殘獵渭城東蕭蕭西北風雪花鷹背上冰片馬蹄中臂
挂梢荆兔腰懸落箭鴻歸來逞餘勇兒子亂彎弓

駕幸南海子

明薛蕙

詔幸芙蓉苑傳言羽獵行三驅陪上將四校出神兵列
戟圍熊館分弓射虎城風雲日暮起偏繞漢皇營

五言排律

雲中十二韻

明楊慎

天子雲中狩將軍久未還律吹元兔塞旗繞白狼山風
火燒荒急星辰過隊閒燕支留馬首蘇絡醉龍顏清樂
千門動黃金萬鎰頒雪深懷續絮月滿憶刀鏤牙烏嚴
宵仗宮鴉捲曉班奏回青瑣闥捷報紫金關膂力休明
鎧歡聲洽禁闥功牌銀燦燦賀障錦編欄日轉虞巡外
春流鎬宴間戢戈行有頌神武徧人寰

七言律

觀校獵上淮西相公

唐 劉長卿

欽定四庫全書

御定詠物詩選

卷一百三十

龍驤校獵邵陵東野火初燒楚澤空師事黃公千載後
身騎白馬萬人中笳隨晚吹吟邊草箭沒寒雲落塞鴻
三十擁旄誰不羨周郎少小立奇功

觀浙西府相畋遊

唐 韋莊

十里旌旗十萬兵等閑遊獵出軍城紫袍日照金鵝闥
紅旆風吹畫虎獰帶箭彩禽雲外落避鵬寒兔月中驚
歸來一路笙歌滿更有仙娥載酒迎

觀獵

韋莊

苑牆東畔欲斜暉傍苑穿花兔正肥公子喜逢朝罷日
將軍誇換戰時衣鶻翻錦翅雲中落犬帶金鈴草上飛
直到四郊高鳥盡掉鞍齊向國門歸

祭常山回小獵

宋 蘇軾

青蓋前頭點皂旗黃茅岡下出長圍弄風驕馬跑空立
趁兔蒼鷹掠地飛回望白雲生翠巘歸來紅葉滿征衣
聖明若用西涼簿白羽猶能效一揮

憶觀駕春蒐

元 薩都拉

欽定四庫全書

御定詠物詩選

卷一百三十

日奏雲間紫鳳簫春隨天上頽黃袍仗前虎將千斤斧
架上鷹兒五色絛獵士開弓黃犬疾官官擊鼓紫駝高
侍遊亦有中書令七寶雕盤看綠毛

圍獵

明 楊榮

關塞霜清曉色明鑾輿校獵出邊城六龍扶輦旌旗合
萬騎連營鼓角鳴遠火依微秋草薄驚沙寂寞暮雲平
小臣躬覩三驅樂願效嵩呼播頌聲

扈從狩陽山次韻答胡學士

明 金幼孜

鑾輿曉出五城東從狩儒臣載筆同日下蒼龍隨王仗
道前寶馬載琬弓苑松承露枝皆白鳥樹經霜葉盡紅
向晚笳聲催疊鼓軍門校獵氣偏雄

七言絕句

觀獵

唐王昌齡

角鷹初下秋草稀鐵驄拋鞍去如飛少年獵得平原兔
馬後橫捎意氣歸

校獵曲

唐錢起

長楊殺氣連雲飛漢主秋畋正掩圍重門日晏紅塵出
數騎畋人獵獸歸

從獵口號

金李獻能

閭闔傳符啟九關一聲清蹕駐南山虎賁先導三千士
天馬初離十二閑

其二

爛爛龍旌捧日旂從臣遙認赭紅衣天王清曉親弧矢
初合今冬第一圍

灤京雜詠

元楊允孚

羽獵山陰射白狼太平天子狩封疆峰巒頻轉丹樓穩
輦輅初停白晝長

其二

月出王孫獵兔忙玉驄拾矢戲沙塲皮囊乳酒鑼鍋肉
奴視山陰對角羊

出獵圖

元楊維禎

燕支花開春日暉從官游騎去如飛分明一段龍沙景

白鴈黃羊好打圍

欽定四庫全書

御定詠物詩選
卷一百三十

九

御定佩文齋詠物詩選卷一百三十

欽定四庫全書薈要卷一萬八千七百五十三

集部

御定佩文齋詠物詩選卷一百三十一

征伐類

五言古

命將出征歌

晉張華

重華隆帝道戎蠻或不賓徐夷興有周鬼方亦違殷今
在聖明世寇虐動四垠豹狼染牙爪羣生號穹旻元帥
統方夏出車撫涼秦衆貞必以律臧否實在人威信加

欽定四庫全書

御定詠物詩選

卷一百三十一

殊類疎遐思自親單醪豈有味挾纊感至仁武功尚止
戈七德美安民遠跡由斯舉永世無風塵

北伐

宋武帝

表裏跨原隰左右御川梁月羽皎素魄星旗艷赤光

出重圍和傅昭

梁沈約

魯連揚一策陳平出六奇邯鄲風雨散白登煙霧維排
雲出九地陵定振五危

從駕送軍

陳沈炯

惟克稱乃武軒后號神兵弔民資智勇治忽屬師貞我
君膺寶業歷駕視前英蒲海方無浪夷山未有平星光
下結旆劒氣上舒精雲開萬里徹日麗百川明撫鼓山
靈應詔蹕水祗驚

南征

陳蘇子卿

一朝遊桂水萬里別長安故鄉夢中近邊愁酒上寬劒
鋒但須利戎衣不畏單南中地氣暖少婦莫愁寒

西征軍行遇風

唐崔融

欽定四庫全書

御定詠物詩選

卷一百三十一

北風捲塵沙左右不相識颯颯吹萬里昏昏同一色馬
煩莫敢進人急未遑食草木春更悲天景晝相匿夙齡
慕忠義雅尚存孤直覽史懷浸驕讀詩歎孔棘及茲戎
旅地忝從書記職兵氣騰北荒軍聲振西極坐覺威靈
遠行看氛祲息愚臣何以報倚馬申微力

征東至淇門答宋叅軍之問

唐陳子昂

南星中大火將子涉清淇西林改微月征旆空自持碧
潭去已遠瑤華折遺誰若問遼陽戍悠悠天際旗

貽鼓吹李丞時信安王北伐李公王之所器者

唐 儲光義

北伐昧天造王師示有征
轅門統元律帝室命宗英
靈威方首事仗鉞按邊城
膏雨被春草黃雲浮太清
文儒託後乘武旅趨前旌
出車發西洛營軍臨北平
曰予深固陋志氣頗縱橫
常思驃騎幕願逐嫖姚兵
惟賢美無度海內依揚聲
河間舊相許車騎日逢迎
折節下謀士深心論客卿
忠言雖未列庶以知君誠

欽定四庫全書

御定詠物詩選

卷一百三十一

七言古

走馬川行奉送出師西征

唐 岑參

君不見走馬川行雪海邊
平沙莽莽入天輪臺九月
風夜吼一川碎石大如斗
隨風滿地石亂走塞上草
黃馬正肥金山西見煙塵
飛漢家大將西出師將軍
金甲夜不脫半夜軍行戈
相撥風頭如刀面如割馬
毛帶雪汗氣蒸五花連錢
旋作冰幕中草檄硯水凝
敵騎聞之心膽懾料知短
兵不敢接車師西門佇獻
捷

五言律

送著作佐郎崔融等從梁王東征

唐 陳子昂

金天方肅殺白露始專征
王師非樂戰之子慎佳兵
海氣侵南部邊風掃北平
莫賣盧龍塞歸邀麟閣名

送白利從金吾董將軍西征

唐 李白

西羌延國討白起佐軍威
劒決浮雲氣弓彎明月輝
馬行邊草綠旗捲曙霜飛
抗手凜相顧寒風生鐵衣

欽定四庫全書

御定詠物詩選

卷一百三十一

征西將

唐 張籍

黃沙北風起半夜又翻營
戰馬雪中宿探人冰上行
深山旗未展陰磧鼓無聲
幾道征西將同收碎葉城

誓師畢隨駕回營中馬上賦

明 金幼孜

萬里陰山道平原入望賒
天營高日月輦路淨風沙
寶馬銜金勒蒼龍繞翠華
陽和隨處滿草色徧天涯

五言排律

夏日都門送司馬員外逸客孫員外佺北征

唐李乂

日逐滋南寇天威撫北陲
折珪行仗節持印且分麾
羽檄雙鳬去兵車駟馬馳
虎旗懸氣色龍劒抱雄雌
候月期戡翦經時念別離
坐聞關隴外無復引弓兒

奉和幸望春宮送朔方軍大總管張仁亶

李乂

邊郊草具腓河塞有兵機
上宰調梅寄元戎細柳威
虎貌東道出鷹隼北庭飛
玉匣謀中野金輿下太微
投醪

欽定四庫全書

御定詠物詩選
卷一百三十一

五

銜餞酌緝衮事征衣勿謂公孫老
行聞秦凱歸

送趙二尚書彥昭北伐

唐張說

朔地河水合邊城備此時
兵連紫塞路將舉白雲司提
劒榮中貴銜珠盛出師
日華光組練風色焰旌旗
投筆尊前起橫戈馬上辭
梅花吹別引楊柳賦新詩

送梁公昌從信安王北征

唐李白

入幕推英選捐書事遠戎
高談百戰術鬱作萬夫雄
起舞蓮花劒行歌明月宮
將飛天地陣兵出塞垣通
祖席

留丹景征麾拂綵虹旋應獻凱入麟閣
佇深功

七言律

行次昭應縣道上送戶部李郎中充昭義攻討

唐李商隱

將軍大旆掃狂童詔選名賢贊武功
暫逐虎牙臨故絳遠含雞舌過新豐
魚遊沸鼎知無日鳥覆危巢豈待風
早勒勲庸燕石上佇光綸綽漢庭中

次韻贈張省史從軍南征

元張憲

欽定四庫全書

御定詠物詩選
卷一百三十一

六

震天金鼓紫駝驕
阜轟連珠畫斗杓
甲馬魚鱗開曉日
錦袍花萼上春潮
枕柳雨暗湯泉溢
茉莉風暄海瘴消
幕下何人專草檄
共誇謀議得張昭

送御史大夫鄧公西征

明朱弘祖

今代麒麟第一功
從龍飛渡大江東
彤弓錫寵專征伐
鐵券銘勲誓始終
龍虎親軍遙動地
鳳凰臺閣遠生風
不知幙下誰叅佐
珠履三千盡石洪

三月十七日送駕出德勝門

明梁潛

煌煌旄鉞發平明萬里河山錦繡迎王氣浮天隨寶纛
虹光拂地護龍旌玉關指日看歸馬青海無波待洗兵
萬姓歡呼傳捷報六軍歌舞入瑤京

送胡學士楊金二侍講扈駕北伐

明黃守

六師北伐繞龍城遙羨詞臣扈蹕行兵略曾從圯上得
檄書多向御前成黃沙白草雲隨馬畫戟雕戈雪照營
應想居庸關外路東風歸旆凱歌聲

欽定四庫全書

御定詠物詩選

卷一百三十一

七

嘉靖四年奉詔督師西征再蒙溫旨有趙充國

馬援之褒感而有述

明楊一清

西北風塵帝顧多老臣承詔出巖阿便宜欲上趙充國
雙鑠還非馬伏波十乘戎行新節鉞三邊精采舊關河
極知君命如山重感激渾忘兩鬢皤

夜坐念東征將士

明陸深

長河乘夜度貔貅兵氣如雲擁上游大將能揮白羽扇
君王不愛紫貂裘十二關山齊故國百年疆域漢神州

不眠霜月聞刁斗自啟茅堂望斗牛

七言絕句

奉和裴相公東征途經女几山下作

唐韓愈

旗穿曉日雲霞雜山倚秋空劒戟明敢請相公平賊後
暫携諸吏上崢嶸

南征行

明程誥

新河命將出屯營畫戟雕弓耀日明洗馬真臨江漢水

欽定四庫全書

御定詠物詩選

卷一百三十一

八

擒蛟空擣豫章城

御定佩文齋詠物詩選卷一百三十一